



MACA PERKASA AGENDA PEMBELAJARAN SEPANJANG HAYAT MELALUI PENGAJIAN PROGRAM BERAKREDITASI

Putrajaya, 8 Sept. - Akademi Pencegahan Rasuah Malaysia (MACA) Suruhanjaya Pencegahan Rasuah Malaysia (SPRM) telah mendapat penarafan yang setaraf sebagai sebuah pusat pemberi pendidikan tinggi daripada Malaysian Qualification Agency (MQA) pada November 2020 dalam memperkasa agenda pembelajaran sepanjang hayat melalui pengajian program berakreditasi.

Ketua Pesuruhjaya SPRM, Tan Sri Dato' Sri Haji Azam Baki berkata penarafan yang diperolehi ini membolehkan MACA untuk menawarkan dan menganugerahkan Program Pengajian Peringkat Sijil (Tahap 3); Diploma (Tahap 4); Diploma Lanjutan (Tahap 5); Sijil dan Diploma Siswazah (Tahap 6); dan Sijil dan Diploma Pascasiswa (Tahap 7).

"Pembelajaran sepanjang hayat mempunyai peranan yang sangat besar dalam menggilap kemampuan dan kegemilangan berdasarkan kepada konsep *the three es* iaitu *employment* (pekerjaan), *empowerment* (pemerksaan) dan *enjoyment* (keseronokan).

"SPRM telah berkolaborasi dengan Nottingham Trent University, United Kingdom pada tahun 2017 iaitu setelah mendapat kelulusan daripada kerajaan persekutuan untuk membangunkan modul kursus asas pegawai SPRM bertaraf *professional Diploma Level 5* dan *Postgraduate Diploma Level 7*," ujar beliau.

Beliau berkata demikian pada Majlis konvoikesyen pertama hasil kerjasama antara SPRM dan Nottingham Trent University di Dewan Perdana, Pusat Konvensyen Antarabangsa Putrajaya (PICC).

Tambah beliau pengajian program yang dibangunkan berkenaan adalah meliputi pengajian bagi modul siasatan, modul perisikan dan modul pendakwaan dan perundangan, modul *professional practice* dan modul kepimpinan selaras dengan kehendak akreditasi Nottingham Trent University.

Seramai 266 graduan yang terdiri daripada pegawai SPRM telah menerima sijil tamat pengajian pada 1st MACC Law Enforcement Accredited Programme Convocation 2022.

Majlis penyampaian sijil tamat pengajian ini telah disempurnakan oleh Pro Vice-Chancellor (International) NTU, UK, Professor Cillian Ryan dan disaksikan oleh Tan Sri Dato' Sri Haji Azam.



Turut hadir Timbalan Ketua Pesuruhjaya (Pencegahan) SPRM; Datuk Seri Norazlan Mohd Razali; Timbalan Ketua Pesuruhjaya (Pengurusan dan Profesionalisme) SPRM, Dato' Indera Junipah Wandi; Pengarah MACA, Dato' Haji Idris Zaharudin serta Pengarah-pengarah Bahagian dan Negeri.